



宋本

春秋左氏傳

廿世

1726  
11





明口仁2  
潘 1726  
卷 11

春秋經傳集解昭公二第二十一



杜氏 盡七年

經四年春王正月大雨雹當雪而雹故以為災而書之。雨于

付反。電蒲學反。夏楚子蔡侯陳侯鄭伯許男徐子滕

子頓子胡子沈子小邾子宋世子佐淮夷會

于申楚靈王始合諸侯。稱人以執。以不道於楚人執徐子

其民秋七月楚子蔡侯陳侯許男頓子胡子

沈子淮夷伐吳因申會以伐吳。不言諸侯者。鄭徐滕小邾宋不在故也。胡

國汝陰縣西北有胡城。執齊慶封殺之楚子欲行霸為齊討慶封故稱



齊遂滅賴。九月取鄆。鄆，莒邑。傳例曰：克邑不取。師徒曰取。鄆才陵。

反冬十有二月乙卯，叔孫豹卒。

傳四年春，王正月，許男如楚楚。楚子止之。欲與俱田。

遂止鄭伯，復田江南。許男與焉。前年楚子已與鄭伯田江南。

南。故言復。復扶。又反。與羊茹反。使椒舉如晉求諸侯。二君

待之。二君。鄭許。椒舉致命曰：寡君使舉曰：日君有

惠，賜盟于宋。宋盟在襄二十七年。曰：晉楚之從交相見

也。以歲之不易。不易，言有難。易以豉反。寡人願結驪於

二三君。欲得諸侯。謀事補闕。使舉請間君，若苟無四方

之虞。虞，度也。閑音。閑，一居閑反。則願假寵以請於諸侯

欲借君之威。寵，以致諸侯。晉侯欲勿許。司馬侯曰：不可。楚

王方侈，天或者欲逞其心，以厚其毒而降之

罰，未可知也。其使能終，亦未可知也。晉楚唯

天所相。相助也。不可與爭，君其許之，而脩德以

待其歸，若歸於德，吾猶將事之。況諸侯乎？若

適淫虐，楚將弃之。弃，不以為君。吾又誰與爭？曰：晉

有三不殆，其何敵之有？殆，危也。國險而多馬，齊

楚多難。多，篡弒之難。有是三者，何鄉而不濟？對曰：



恃險與馬而虞鄰國之難是三殆也四嶽

岱。西嶽。華。南嶽。衡。北嶽。恒。鄉許亮反。三塗在河南陸渾縣南。渾丘昏反。陽

城在陽城縣東北。大室在河南陽城縣西南。荆山在新城縣

南。漢書音釋。中南在始平武功縣南。九州之險也是

不一姓雖是天下至險。無德則滅亡。冀之北土燕代。烏賢反。

馬之所生無興國焉。恃險與馬不可以為固

也。從古以然是以先王務脩德音以享神人

也。亨通。不聞其務險與馬也。鄰國之難不可虞

也。或多難以固其國。啓其疆土。或無難以喪

其國。失其守宇。於國則四垂為宇。若何虞難。齊有仲

孫之難而獲桓公。至今賴之。仲孫公孫無知。事在莊九年。

晉有里平之難而獲文公。是以為盟主。里克。平鄭。

事在僖九年。衛邢無難。敵亦喪之。閔二年。狄滅衛。僖二十五年。故人之難不可虞也。恃此二者而不

脩政德。亡於不暇。又何能濟。君其許之。紂作

淫虐。文王惠和。殷是以隕。周是以興。夫豈爭

諸侯。乃許楚使。使叔向對曰。寡君有社稷之

事。是以不獲。春秋時見。言不得自往。謙辭。見賢遍反。諸侯

昭四年



君實有之何辱命焉椒舉遂請昏

蓋楚子遣舉時兼使

求昏晉侯許之楚子問於子產曰晉其許我諸

侯乎對曰許君晉君少安不在諸侯

安於小不能

遠其大夫多求也莫匡其君在宋之盟又曰

如一晉楚若不許君將焉用之

馬用宋盟

王曰諸

侯其來乎對曰必來從宋之盟承君之歡不

畏大國

大國晉也

何故不來不來者其魯衛曹邾

乎曹畏宋邾畏魯魯衛偏於齊而親於晉唯

是不來其餘君之所及也誰敢不至

言楚威力所能

及王曰然則吾所求者無不可乎對曰求逞

於人不可

逞快也求人以快意人必違之

與人同欲盡濟

為下

會申

大雨雹季武子問於申豐曰雹可禦乎

禦止也申豐魯大夫

對曰聖人在上無雹雖有不為災

古者日在北陸而藏冰

陸道也謂夏十二月日在虛危冰堅而藏

之西陸朝覲而出之

謂夏三月日在昴畢蟄蟲出而用冰春分之中

奎星朝見東方

其藏冰也深山窮谷固陰沍寒於是

乎取之

沍閉也必取積陰之冰所以道達其氣使不為災

其出之也

朝之祿位賓食喪祭於是乎用之

言不獨共公共音



恭其藏之也。黑牡秬黍，以享司寒。

黑牡，黑牲也。秬，黑黍。

也。司寒，玄冥。北方之神。故物皆用黑。有事於冰，故祭其神。

其出也。

也。桃弧棘矢，以除其災。

桃，弓棘箭。所以禳除凶邪。將御至尊，故

其出也。時食肉之祿，冰皆與焉。

謂在朝廷，食肉之祿。

治其職事，就官食者。

大夫命婦，喪浴用冰。

命婦，大

祭寒而藏之。

享司寒。

獻羔而啓之。

謂二月春分，獻羔祭非始。

開冰室。

公始用之。

公先用，優尊。

火出而畢賦。

見東方，火星昏。

謂三月中。

自命夫命婦，至於老疾，無不受冰。

致。

仕在家者。

山人取之，縣人傳之。

山人，虞官。縣人，遂屬。

傳，平聲。

人納之，隸人藏之。

隸，賤官。

夫冰以風壯。

水因風寒。

而堅。而以風出。

順春風而散。

其藏之也，周。

周，密也。

其用

之也，徧。

則冬無愆陽。

愆，過也。

夏無伏陰。

伏陰，謂夏寒。

春無淒風。

淒，寒也。

秋無苦雨。

霖雨，為人所患，苦。

雷出不震。

震，震也。

無菑霜雹，癘疾不降。

癘，惡氣也。

不夫札。

短折為天，天死為札。札，側入反。一音截。

今藏川池之冰。

弃而不用。

既不藏深山窮谷之冰，又

風不越。

而殺雷不發而震。

越，散也。言陰陽失序，雷風為害。

雹之為菑。

誰能禦之。七月之卒章，藏冰之道也。

七月，詩豳風卒。



章曰。二之日鑿冰沖沖。謂十二月鑿而取之。三之日納于凌陰。凌陰。冰室也。四之日其蚤。獻羔祭韭。謂二月春分。蚤。開冰室。以薦宗廟。凌。陵證反。夏諸侯如楚魯

衛曹邾不會。曹邾辭以難。公辭以時祭。衛侯

辭以疾。如子產言。難。乃旦反。鄭伯先待于申。自楚先至會地。

六月丙午。楚子合諸侯于申。椒舉言於楚子

曰。臣聞諸侯無歸禮以為歸。今君始得諸侯

其慎禮矣。霸之濟否。在此會也。夏啓有鈞臺

之享。啓。禹子。河南陽翟縣南有鈞臺。啓享諸侯於此。商湯有景亳

之命。河南鞏縣西南有湯亭。或言亳即偃師。周武有孟津之誓

將伐紂也。成有岐陽之蒐。成王歸自奄。大蒐於岐山之陽。岐山在扶風美

陽縣西北。康有豐宮之朝。豐。在始平。鄠縣東。有靈臺。康王於是朝諸侯。

穆有塗山之會。穆王會諸侯於塗山。在壽春東北。齊桓有

召陵之師。在僖四年。晉文有踐土之盟。在僖二十八年。君

其何用。宋向戌。鄭公孫僑。在諸侯之良也。君

其選焉。選。擇所用。舒亮反。戌音恤。王曰。吾用齊桓。用會召陵

禮之。王使問禮於左師與子產。左師曰。小國習

之大國用之。敢不薦聞。言所聞。謙示所未行。獻公合諸

侯之禮六。其禮六。儀也。宋爵公。故獻公禮。子產曰。小國共職。



敢不薦守。獻伯子男會公之禮六。

鄭伯爵。故獻伯子男。

會公之禮。其禮同。所從言

之異。共音恭。守手又反。君子謂合左師善

守先代。子產善相小國。王使椒舉侍於後。以

規過。

規正二子之過。

卒事不規。王問其故。對曰。禮吾

未見者有六焉。又何以規。

左師子產所獻六禮。楚皆未嘗行。

宋大子佐後至。王田於武城。久而弗見。椒舉

請辭焉。

請王辭謝之。

王使往曰。屬有宗祧之事於

武城。

言為宗廟田獵。屬。寡君將墮幣焉。

玉反。適也。祧。他彫反。

敢謝後見。

恨其後至。故言將因諸侯會布幣。乃相見。經并書宋大子佐。知此言。

在會前。墮。許規反。見如字。又賢遍反。

徐子吳出也。以為貳焉。

故執諸申。

言楚子以疑罪執諸侯。

楚子示諸侯侈。

自奢。

椒舉曰。夫六王二公之事。

六王。啓。湯。武。成。康。穆也。二公。齊。桓。晉。

文皆所以示諸侯禮也。諸侯所由用命也。夏

桀為仍之會。有緡叛之。

仍。緡。皆國名。

商紂為黎之

蒐。東夷叛之。

黎。東夷國名。

周幽為大室之盟。戎狄

叛之。

大室。中嶽。

皆所以示諸侯汰也。諸侯所由弃

命也。今君以汰。無乃不濟乎。王弗聽。子產見

左師曰。吾不患楚矣。汰而復諫。

復。很也。音泰。復皮逼。



反(很)胡

不過十年。左師曰：然不十年侈，其惡

不遠，遠惡而後弃。

惡及遠方，則人弃之。

善亦如之。德遠

而後興。

為二十三年楚

秋七月，楚子以諸侯伐

吳，宋太子鄭伯先歸。

經所以更敘諸侯也。時晉之屬國皆歸，獨言二

國者。鄭伯久於楚，宋太子不得時見，故慰遣之。見賢遍反。又如字。

宋華費遂

鄭大夫從。

從，伐吳以答見慰。費，扶味反。從，才用反。

使屈申圍朱

方。

朱方，吳邑。齊慶封所封也。屈申，屈蕩之子。屈居勿反。

八月甲申，克

之，執齊慶封而盡滅其族。

慶封以襄二十八年奔吳。八月無甲

申日

將戮慶封。椒舉曰：臣聞無瑕者可以戮

人，慶封唯逆命，是以在此。

逆命，謂性不恭順。

其肯從

於戮乎？

言不肯默而從戮。

播於諸侯，焉用之？

播，揚也。播波

佐反。又波可反。

王弗聽，負之斧鉞，以徇於諸侯，使言

曰：無或如齊慶封，弑其君，弱其孤，以盟其大

夫。

齊崔杼弑君，慶封其黨也。故以弑君罪責之。

慶封曰：無或如楚

共王之庶子圍，弑其君兄之子麋而代之以

盟諸侯。王使速殺之，遂以諸侯滅賴。賴子面

縛銜璧，士袒，輿櫬從之，造於中軍。

中軍，王所將。麋，九

倫反。袒音但。

王問諸椒舉，對曰：成王克許，在僖許



僖公如是王親釋其縛受其璧焚其櫬王從

之從舉遷賴於鄢鄢楚邑。鄢於建反。楚子欲遷

許於賴使鬬韋龜與公子弃疾城之而還許為

城也。韋龜子申無宇曰楚禍之首將在此矣。

召諸侯而來伐國而克城竟莫校謂築城於外竟諸侯

無與爭。王心不違民其居乎言將有事。民不得安也。

之不處其誰堪之不堪王命乃禍亂也九月

取鄆言易也莒亂著丘公立而不撫鄆鄆叛

而來故曰取凡克邑不用師徒曰取著丘公去疾也。

不書奔者潰散而來將帥微也重發例者以通叛而自來。易以豉反著直居反。又直據

反鄭子產作丘賦丘十六井當出馬一匹牛三頭。今子產別賦其田。如

魯之田賦。田賦在哀十一年。國人謗之謗毀也。曰其父死於

路謂子國為尉氏所殺。已為蠆尾謂子產重賦。毒害百姓。蠆救邁反。以

令於國國將若之何子寬以告子寬鄭大夫。子產

曰何害苟利社稷死生以之以用也。且吾聞為

善者不改其度故能有濟也民不可逞度不

可改度法也。詩曰禮義不愆何恤於人言逸詩子產

自以為為權制濟國於禮義無愆。吾不遷矣遷移也。渾罕曰國氏



其先亡乎

渾罕子寬

○渾平聲君子作法於涼其敝猶

貪

涼薄也

作法於貪敝將若之何

言不可久行

姬在

列者

在列國也

蔡及曹滕其先亡乎偪而無禮

楚曹滕偪宋

鄭先衛亡偪而無法

偪晉

政不率法

而制於心民各有心上之有

子產權時救急渾罕譏之

正冬

吳伐楚入棘櫟麻

棘櫟麻皆楚東鄙邑譙國鄩縣東北有棘

力狄反徐又失灼反

鄩才河反

櫟以報朱方

之役

朱方役在

楚沈尹射奔命於夏汭

夏汭漢水

曲入江今夏口也吳兵在東北楚盛兵在東南以絕其後

射食夜反又食亦反

尹宜咎城鍾離

宜咎本陳大夫襄二十四年奔楚

○歲之林反

疆城巢然丹城州來

然丹鄭穆公孫襄十九年奔楚

東國水不可以城彭生罷賴之師

彭生楚大夫罷鬬韋

龜城賴之師

初穆子去叔孫氏及庚宗

成十六年

辟僑如之難奔齊庚宗魯地

○難乃旦反遇婦人使私為食而宿

焉問其行告之故哭而送之

婦人聞之

適齊娶

於國氏

國氏齊正卿姜姓

生孟丙仲壬夢天壓已弗

勝

穆子夢也

○壓於顧而見人黑而上僂

上僂

肩僂

力主

深目而豶喙

口象豬

反僂

紆甫反

三傳卷二十一



號之曰牛助余乃勝之旦而皆召其徒無之

徒從者。一戶。反。胡。號。胡。且曰志之。志。識也。申志反。及宣伯

奔齊饋之宣伯。僑如。穆子之兄。成十。六年奔齊。穆子饋宣伯。宣伯曰

魯以先子之故先子。宣伯先人。將存吾宗必召女召

女何如對曰願之久矣言兄始為亂。已則有今日之願。蓋忿言。

女音。汝。魯人召之不告而歸既立在齊生孟丙。仲壬。魯召之。

立為卿。襄二。年始見經。所宿庚宗之婦人獻以雉獻。穆子。

問其姓問有子否。女生。姓謂子也。對曰余子長矣能

奉雉而從我矣襄二。年。豎牛五六。歲。奉。芳勇反。召而見之

則所夢也未問其名號之曰牛曰唯皆召其

徒使視之遂使為豎豎。小臣也。傳言。從夢未必吉。有寵長

使為政為家。政。公孫明知叔孫於齊公孫明。齊大夫。子明。

也。與叔孫相親知。歸未逆國姜子明取之國姜。孟仲母。取。七。

住。反。故怒其子長而後使逆之子。孟丙。仲壬。田於丘

猶丘。猶。地名。音由。遂遇疾焉豎牛欲亂其室而有

之強與孟盟不可欲使從已。孟不肯。強其丈反。叔孫為孟

鐘曰爾未際際。接也。孟未與諸大夫相。接見。為。干偽反。又如字。饗大

夫以落之以。豨。鐘。曰。落。血。饗。禮。具。具。使豎牛請曰

三傳卷三十一 二



昭四年

左傳卷三十一

十一

請饗入弗謁謁也出命之日詐命及賓至聞

鐘聲牛曰孟有北婦人之客北婦人國姜也

怒將往牛止之賓出使拘而殺諸外殺孟牛

又強與仲盟不可仲與公御萊書觀於公萊書

公御士名仲與之私遊觀於公賜公與之環玉

使牛入示之示叔入不示出命佩之牛謂

叔孫見仲而何而何如何見叔孫曰何為

曰不見既自見矣言仲已自公與之環

而佩之矣遂逐之奔齊疾急命召仲牛許而

不召杜洩見告之飢渴授之戈杜洩叔孫氏

叔孫叔孫怒欲使杜洩殺殺對曰求之而至又

何去焉言求食可得無為去豎牛蓋杜洩力

豎牛曰夫子疾病不欲見人使實饋于个而

退寘置也个東西牛弗進則置虛命徹寫器

十二月癸丑叔孫不食乙卯卒命去之

牛立昭子而相之昭子豹之庶子叔孫

公使杜洩葬叔孫豎牛賂叔仲昭子與

南遺昭子叔仲帶也使惡杜洩於季孫而去



之憎洩不與杜洩將以路葬且盡卿禮路王所賜

叔孫南遺謂季孫曰叔孫未乘路葬焉用之

且冢卿無路介卿以葬不亦左乎冢卿謂季孫介次也

左不季孫曰然使杜洩舍路舍置也舍式夜反或音捨

不可曰夫子受命於朝而聘于王在襄二十四年夫子

謂叔孫王思舊勳而賜之路感其有禮以復命

而致之君豹不敢君不敢逆王命而復賜之

使三官書之吾子為司徒實書名謂季孫也書名定位

號又反夫子為司馬與工正書服謂叔孫也服車服之

器工正孟孫為司空以書勳勳功也今死而弗

以是弃君命也書在公府而弗以是廢三官

也若命服生弗敢服死又不以將焉用之乃

使以葬季孫謀去中軍豎牛曰夫子固欲去

之誣叔孫以媚季孫

經五年春王正月舍中軍襄十一年始立中軍舍音捨傳同

楚殺其大夫屈申書名之公如晉夏莒牟夷以

牟婁及防茲來奔城陽平昌縣西南有防亭姑幕縣東北有茲亭秋

七月公至自晉戊辰叔弓帥師敗莒師于蚡



泉粉泉魯地秦伯卒無傳不書冬楚子蔡

侯陳侯許男頓子沈子徐人越人伐吳

傳五年春王正月舍中軍卑公室也罷中軍季孫稱

左師孟氏稱右師叔孫氏則自以叔孫為軍名毀中軍于施氏成諸

臧氏季孫不欲親其議勅二家會諸大夫發毀置之計又取其令名初作中

軍三分公室而各有其一三家各有一軍家屬季氏盡

征之無所入於公叔孫氏臣其子弟以父兄歸公孟氏

取其半焉復以子弟之半歸公及其舍之也四分公室

季氏擇二簡擇取二分或如字二子各一皆盡

征之而貢于公國人盡屬三家三以書使杜

洩告於殯告叔孫之柩曰子固欲毀中軍既毀之

矣故告杜洩曰夫子唯不欲毀也故盟諸僖

閔詛諸五父之衢皆在襄十一年受其書而投之擲

也帥士而哭之痛叔孫之見誣叔仲子謂季孫曰帶

受命於子叔孫曰葬鮮者自西門不以壽終為鮮西門杜洩

非魯朝正門音仙又息淺反鮮季孫命杜洩命使從杜洩

曰卿喪自朝魯禮也從生存朝覲之正路吾子為國政

未改禮而又遷之遷易也羣臣懼死不敢自也



自從既葬而行善杜洩能辟禍仲至自齊聞喪而來季孫

欲立之南遺曰叔孫氏厚則季氏薄彼實家

亂子勿與知不亦可乎南遺使國人助豎牛

以攻諸大庫之庭攻仲壬也魯城內有大庭氏之虛於其上作庫與

音預虛起居反司宮射之中目而死豎牛取東鄙三

十邑以與南遺取叔孫氏邑射食亦反昭子即位朝其

家衆曰豎牛禍叔孫氏使亂大從使從於亂大從如

字殺適立庶又披其邑將以赦罪披析也謂以邑與南

遺昭子不知豎牛餓殺其父故但言其見罪披普彼反見賢遍反罪莫大焉

必速殺之豎牛懼奔齊孟仲之子殺諸塞關

之外齊魯界上關塞悉代反投其首於寧風之棘上寧風

齊地仲尼曰叔孫昭子之不勞不可能也不以

為功勞據其所言善之時魯人下以餓死語昭子周任有言曰為政

者不賞私勞不罰私怨詩云有覺德行四國

順之詩大雅覺直也言德行直則四方順從之任音王初穆子之生

也莊叔以周易筮之莊叔穆子父得臣也遇明夷三三

離下坤上明夷之謙艮下坤上謙明夷初九變為謙以示卜楚

丘楚丘卜人姓名曰是將行行出而歸為子祀奉祭祀



以讒人入其名曰牛卒以餒死明夷日也為離

日明傷也日之數十甲至故有十時亦當十

位自王已下其二為公其三為卿日中當王

平日且為卿雞鳴為士夜半為阜人定為輿黃昏為隸日入為僚晡時為僕日昃為臺隅中日出闕不在第尊王公曠其

位阜才早反昃田結反日上其中日中

故以食日為二位旦日為三位明夷之謙明

而未融其當旦乎融朗也離在坤下日在地中之象又變為謙謙道卑

退故曰明而未融日明故曰為子祀莊叔卿未融故曰其當旦乎

為子祀故知日之謙當鳥故曰明夷于飛離為鳥離變為謙日光不足故

明而未融故曰垂

其翼於鳥為垂翼象日之動故曰君子于行

明夷初九得位有應君子象也在明傷之世居謙下之位故將辟難而行當二在

旦故曰三日不食旦位在三又非食離火也

艮山也離為火火焚山山敗離艮合於人為

言艮為言敗言為讒為離所焚故言敗故曰

有攸往主人有言言必讒也離變為艮故言有所往往而見

燒故主人有言言而見敗故必讒言純離為牛易離上離下離畜牝牛吉故言

為牛世亂讒勝勝將適離故曰其名曰牛離



山則離勝。譬世亂則讒勝。山焚則離獨。謙不存。故知名牛也。豎牛非牝牛。故不吉。

足飛不翔。謙道冲退。故飛不遠翔。垂不峻。翼不廣。峻。高也。翼。

垂下。故不能廣遠。故曰其為子後乎。不遠翔。故知不遠去。吾子

亞卿也。抑少不終。旦曰。正卿之位。莊叔父子世為亞卿。位不足以終。盡

卦體。蓋引而致之。楚子以屈申為貳於吳。乃殺之。生造

貳。心。以屈生為莫敖。生。屈。建子。使與令尹子蕩如晉

逆女。過鄭。鄭伯勞子蕩于汜。勞屈生于菟氏。

汜。菟氏。皆鄭地。過。古禾反。勞。力報反。後皆同。汜。徐扶巖反。菟。大胡反。晉侯送

女于邢丘。子產相鄭伯。會晉侯于邢丘。傳。言楚強。

諸侯畏敬其使。公如晉。即位而往。見。自郊勞至于贈賄。往。有。

郊。勞。去。有。贈。賄。之。禮。無失禮。揖讓之禮。晉侯謂女叔齊曰。魯侯

不亦善於禮乎。對曰。魯侯焉知禮。公曰。何為

自郊勞至于贈賄。禮無違者。何故。不知。對曰。

是儀也。不可謂禮。禮所以守其國。行其政令。

無失其民者也。今政令在家。在大夫。不能取也。

有子家羈。弗能用也。羈。莊公玄孫懿伯也。奸大國之盟。

陵虐小國。謂伐莒。取鄆。利人之難。謂往年莒亂而取鄆。難。乃旦

反。下。竝同。不知其私。不自知。有私難。公室四分。民食於他



他。謂三家也。言魯君與民無異。思莫在公。不圖其終。無為公謀終始

者。一如字。思息吏反。為國君難將及身。不恤其所禮

之本末。將於此乎在。在恤民與憂國而胥胥焉。習儀

以亟。言以習儀為急言善於禮。不亦遠乎。君子謂叔

侯於是乎知禮。時晉侯亦失政。叔齊以諷諫。此諷諫。調芳鳳反。晉韓

宣子如楚送女。叔向為介。鄭子皮子大叔勞

諸索氏。河南城皋縣東有大索城。索悉洛反。大叔謂叔向曰。

楚王汰侈已甚。子其戒之。叔向曰。汰侈已甚。

身之災也。焉能及人。若奉吾幣帛。慎吾威儀。

守之以信。行之以禮。敬始而思終。終無不復

事皆可復行從而失儀。從順也敬而不失威。道之

以訓辭。奉之以舊法。考之以先王。以先王之禮成其好

度之以二國。度晉楚之勢而行。度待洛反。雖汰侈。若我

何及楚。楚子朝其大夫曰。晉吾仇敵也。苟得

志焉。無恤其他。今其來者。上卿上大夫也。若

吾以韓起為閹。刑。肝。許乙反。足以辱晉。吾亦得志矣。可乎。大夫莫

對。遠啟疆曰。可。苟有其備。何故不可。恥匹夫



不可以無備。況恥國乎。是以聖王務行禮。不

求恥人。朝聘有珪。珪以爲信。享頰有璋。享。饗也。頰。見也。既朝。

聘而享見也。臣爲君使執璋。頰。他。見也。既朝。弔反。又他彫反。見賢遍反。爲于僞反。小有述

職。諸侯通天。子曰述職。大有巡功。天子巡守。巡功。設机而不

倚。爵盈而不飲。言務行禮。宴有好貨。宴飲以貨爲好。衣服車馬。

在客所無。好去聲。飧有陪鼎。熟食爲飧。陪。加也。加鼎。所以厚殷勤。飧音孫。

入有郊勞。實至。逆勞。之於郊。出有贈賄。去則贈之。以貨賄。禮

之至也。國家之敗。失之道也。則禍亂興。失朝聘宴。城濮之役。在僖二。十八年。晉無楚備。以敗於邲。

好之。道。

在宣十二年。言兵禍始於城濮。邲皮必反。邲之役。楚無晉備。以

敗於邲。在成十六年。邲於晚反。自邲以來。晉不失備。而

加之以禮。重之以睦。君臣和也。是以楚弗能報。而

求親焉。既獲姻親。又欲恥之。以召寇讎。備之

若何。言何以爲備。誰其重此。言怨重。若有其人。恥之

可也。謂有賢人以敵。晉則可恥之。若其未有。君亦圖之。晉

之事。君臣曰可矣。求諸侯而麋至。麋。羣也。麋丘隕反。

又其。鄭反。求昏而薦女。薦。進也。君親送之。上卿及上

大夫致之。猶欲恥之。君其亦有備矣。不然。柰



何韓起之下。趙成中行吳魏舒范鞅知盈五

位在韓起之下。皆二軍之將佐也。成趙武之子。吳荀偃之子。行戶郎反。鞅於文反。羊

舌肸之下。祁午張趯籍談女齊梁丙張骼輔

躒苗賁皇皆諸侯之選也。言非凡人。躍他

音各躒力狄反。又力各反。賁音粉。選去聲。韓襄為公族大夫。韓須

受命而使矣。襄韓無忌子也。為公族大夫。須起之門子。年雖幼。已任出使。

任音箕襄邢帶二人。韓氏族。叔禽叔椒子羽皆韓起庶

子皆大家也。韓賦七邑皆成縣也。成縣賦百乘也。羊

舌四族皆彊家也。四族銅鞮伯華叔向叔魚叔虎兄弟四人。鞮丁兮

反晉人若喪韓起楊肸五卿八大夫。五卿趙成以下。

入大夫祁午以下。喪息浪。反。叔向本羊舌氏。食菜於楊。輔韓須楊石石叔

向子食我也。食音嗣。因其十家九縣。韓氏七。羊舌氏四。而言十家。舉

大數也。羊舌四家共二縣。故但言彊家。長轂九百。長轂戎車也。縣百乘。轂

反古木其餘四十縣遺守四千。計遺守國者。尚有四千乘。奮

其武怒以報其大恥。伯華謀之。伯華叔向兄。中行

伯魏舒帥之。伯中。行吳。其蔑不濟矣。君將以親易

怨。失婚姻之親。實無禮以速寇。而未有其備。使羣

臣往遺之禽。以逞君心。何不可之有。王曰不



穀之過也。大夫無辱。謝遠啓疆。遺唯季反。厚爲韓子

禮。王欲敖叔向以其所不知而不能。言叔向之多知。

報反。敖五。亦厚其禮。韓起反。鄭伯勞諸圍。圍。鄭地名。

辭不敢見禮也。奉使君命未反。見賢遍反。鄭罕虎如齊。

娶於子尾氏。逆也。自爲。晏子驟見之。陳桓子問其

故對曰。能用善人民之主也。謂授子。產政。夏莒牟

夷以牟婁及防茲來奔。牟夷非卿而書。尊地

也。尊重也。重地故書。以名其人。終爲不義。莒人愬于晉。愬魯受牟夷。

晉侯欲止公。范獻子曰。不可。人朝而執之。誘

也。討不以師而誘以成之。情也。爲盟主而犯

此二者。無乃不可乎。請歸之。間而以師討焉。

間。暇也。誘音酉。音閑。又如字。乃歸公。秋七月。公至自晉。

莒人來討。討受牟夷。不設備。戊辰。叔弓敗諸蚡泉。

莒未陳也。嫌君臣異。故重發例。冬十月。楚子以諸侯及

東夷伐吳。以報棘櫟麻之役。役在四年。遠射以繁

揚之師。會於夏汭。會楚子。射食。夜反。又食亦反。越大夫常

壽過帥師。會楚子于瑣。瑣楚地。過古禾反。聞吳師出。

遠啓疆帥師從之。從吳師也。遽不設備。吳人敗諸



鵠岸盧江舒縣有鵠尾渚楚子以駟至於羅汭駟傳也羅水名

實反駟人吳子使其弟蹶由犒師犒勞居衛反蹶楚

人執之將以釁鼓王使問焉曰女上來吉乎

對曰吉寡君聞君將治兵於敝邑卜之以守

龜曰余亟使人犒師請行以觀王怒之疾徐

而為之備尚克知之言吳令龜如此女龜音汝守手又反下同

北告吉曰克可知也君若驩馬好逆使臣滋

敝邑休息休解也報反解佳賣反而忘其死亡無日

矣今君奮焉震電馮怒馮盛也馮皮冰反虐執使臣

將以釁鼓則吳知所備矣敝邑雖羸若早脩

完完器備羸力危反其可以息師息楚師之師難易有備可

謂吉矣且吳社稷是卜豈為一人使臣獲釁

軍鼓而敝邑知備以禦不虞其為吉孰大焉

國之守龜其何事不卜言常卜為于偽反一臧一

否其誰能常之城濮之兆其報在邲城濮戰楚上吉

其效乃在邲否悲矣反今此行也其庸有報志言吳有報楚意

乃弗殺楚師濟於羅汭沈尹赤會楚子次於

萊山遂射帥繁揚之師先入南懷楚師從之



及汝清

南懷汝清皆楚界

吳不可入

有備楚子遂觀兵

於坻箕之山

觀示也。坻直夷反。

是行也。吳早設備。楚

無功而還。以蹶由歸。楚子懼吳使沈尹射待

命于巢。遠啓彊待命于雩婁禮也。

善有備。雩音于婁。

力侯反。又力俱反。

秦后子復歸於秦

元年奔晉

景公卒。故

也。終五稔之言。

經六年春王正月杞伯益姑卒

再同盟

葬秦景

公夏季孫宿如晉葬杞文公

無傳宋華合比出

奔衛

合比事君不以道自取奔亡書名罪之。垂戶化反。比如字。

秋九月

大雩。楚遠罷帥師伐吳。

音皮。罷。

冬叔弓如楚齊

侯伐北燕

傳六年春王正月杞文公卒。弔如同盟禮也。

魯怨杞因晉取其田而令不廢喪紀故禮之。

大夫如秦葬景公禮

也。合先王士弔大夫送葬之禮。

三月鄭人鑄刑書

鑄刑書於鼎以

為國之常法。

叔向使詒子產書

詒遺也。唯季反。

曰始吾

有虞於子

虞度也。言準度子產以法。度音鐸。下同。

今則已矣

也。已止。昔先王議事以制不為刑辟懼民之有

爭心也

臨事制刑不豫設法也。法豫設則民知爭端。辟婢亦反。下同。

猶不



可禁禦。是故閑之以義。閑防也。糾之以政。糾舉也。

行之以禮。守之以信。奉之以仁。奉養也。制為祿

位。以勸其從。勸從也。嚴斷刑罰。以威其淫。淫放也。

斷丁亂反。下同。懼其未也。故誨之以忠。聳之以行。聳懼也。

也。行孟反。教之以務。時所急。使之以和。說以民。臨之

以敬。涖之以彊。施之於事為涖。斷之以剛。義斷恩。猶求

聖哲之上。明察之官。上公王也。官卿大夫也。忠信之長。

慈惠之師。民於是乎可任使也。而不生禍亂。

民知有辟。則不忌於上。權移於法。故民不畏上。竝有爭

心。以徵於書。而徼幸以成之。因危文以生爭。緣徼幸以成其

巧偽。古堯反。弗可為矣。為治也。夏有亂政。而作禹

刑。商有亂政。而作湯刑。復商之亂。著禹湯之法。言不能議事以制

周有亂政。而作九刑。周之衰。亦為刑書。謂之九刑。三辟之

興。皆叔世也。言刑書不起於始盛之世。今吾子相鄭國。作

封洫。在襄三十年。洫況域反。立謗政。在四年。作丘賦。制參辟。鑄

刑書。制參辟。謂用三代之末法。將以靖民。不亦難乎。詩曰。

儀式刑文王之德。日靖四方。詩頌言文王以德為儀式。故能

日有安靖四方之功。刑法也。又曰。儀式刑文王。萬邦作孚。詩大



雅。言文王作儀法。為天下所信。孚。信也。 如是何辟之有。言詩唯以德與

信。不以刑也。 民知爭端矣。將弃禮而徵於書。以刑書為

徵。 錐刀之末。將盡爭之。錐刀末。喻小事。 亂獄滋豐。賄

賂竝行。終子之世。鄭其敗乎。胙聞之。國將亡。

必多制。法數改。 其此之謂乎。復書曰。若吾子之

言。復報也。 僑不才。不能及子孫。吾以救世也。既

不承命。敢忘大惠。以見箴戒為惠。 士文伯曰。火見鄭

其火乎。火。心星。周五月昏見。 火未出而作火。以鑄

刑器。刑器。鼎也。 藏爭辟焉。火如象之。不火何為。象類

也。同氣相求。火未出而用。火相感而致災。 夏季孫宿如晉。拜莒田

也。謝前年受年。夷邑不見。計。 晉侯享之。有加邊。邊。豆之數。多於常禮。

武子退。使行人告曰。小國之事。大國也。苟免

於討。不敢求貺。貺。賜也。 得貺不過三獻。周禮。大夫三獻。

今豆有加。下臣弗堪。無乃戾也。懼以不堪為罪。 韓宣

子曰。寡君以為驩也。以加禮致驩心。 對曰。寡君猶未

敢。未敢當此加也。 況下臣君之隸也。敢聞加貺。固請

徹加。而後卒事。晉人以為知禮。重其好貨。宴好

之貨。去聲。 宋寺人柳有寵。有寵於平公。柳。寺人名。 大子佐



惡之。華合比曰：我殺之。

欲以求媚。天子惡鳥路反。

柳聞

之。乃坎用牲埋書。

詐為盟處。

而告公曰：合比將納

亡人之族。

亡人，華臣也。襄十七年奔衛。

既盟于北郭矣。公

使視之，有焉。遂逐華合比。合比奔衛。於是華

亥欲代右師。

亥，合比弟。欲得合比處。

乃與寺人柳比從

為之徵曰：聞之久矣。

聞，合比欲納華臣。柳比毗志反。

公使

代之。

代，合比為右師。見於左師。

左師，向戌。賢，遍反。又如字。

左師

曰：女夫也，必亡。

夫，謂華亥。女，音汝。下同。

女喪而宗室於

人何有。人亦於女何有。

言人亦不能愛女。喪，息浪反。

詩曰：

宗子維城，母俾城壞。母獨斯畏。

詩大雅。言宗子之固若城。

俾，使也。

女其畏哉。

為二十年華亥出奔傳。

六月丙戌，鄭災。

終士文伯之言。

楚公子弃疾如晉，報韓子也。

報前年送女。

過鄭，鄭罕虎、公孫僑游吉從。鄭伯以勞諸祖。

辭不敢見。

不敢當國君之勞。祖，鄭地。過如字。勞，去聲。

祖，音查。見賢遍反。

固請見之。見如見王。

見鄭伯如見楚王。言弃疾

共而有禮。以其乘馬八匹私面。

私，見鄭伯。乘，去聲。見子皮

如上。卿

如見楚卿。

以馬六匹。見子產以馬四匹。見

子大叔以馬二匹。

降殺以兩。殺，所界反。

禁芻牧採樵。



不入田

田不犯種

不樵樹不采藝

藝種也

不抽屋不

強凶誓曰有犯命者君子廢小人降

君子則廢黜不

得居位。小人則退給。下劇也。勾音蓋。

舍不為暴主不恩賓

恩患

也。恩戶困反。

往來如是鄭三卿皆知其將為王也

三卿罕虎。公孫僑游吉。

韓宣子之適楚也楚人弗逆公

子弃疾及晉竟晉侯將亦弗逆叔向曰楚辟

我衷

辟邪也。衷正也。竟音忠。境辟匹亦反。

若何效辟詩曰

爾之教矣民胥效矣

詩小雅言上教下效

從我而已焉

用效人之辟書曰聖作則

逸書則法也

無寧以善

人為則

無寧也

而則人之辟乎匹夫為善民猶

則之況國君乎晉侯說乃逆之

傳言叔向知禮

秋九

月大雩旱也徐儀楚聘于楚

儀楚徐大夫

楚子執

之逃歸懼其叛也使遠洩伐徐

遠洩楚大夫

吳人

救之令尹子蕩帥師伐吳師于豫章而次于

乾谿

乾谿在譙國城父縣南楚東竟

吳人敗其師於房鍾

房鍾

獲宮廡尹弃疾

鬪韋龜之父

子蕩歸罪於遠洩

而殺之

歸罪於遠洩不

冬叔弓如楚聘且弔

敗也

弔為吳所敗

十一月齊侯如晉請伐北燕也



告盟主。士匄相士鞅逆諸河禮也。士匄。晉大夫。相。為介。得敬。

逆來者之禮。○匄。古害反。晉侯許之。十二月。齊侯遂伐北

燕。將納簡公。簡公。北燕伯。三年出奔齊。晏子曰。不入燕有

君矣。民不貳。吾君賄。左右諂諛。作大事不以

信。未嘗可也。為明年暨齊平傳。

經。七年春。王正月。暨齊平。暨。與也。燕與齊平。前年冬。齊伐燕。間

無異事。故不重言燕。從可知。三月。公如楚。叔孫婁如齊。泣

盟。無傳。公將遠適楚。故叔孫如齊。尋舊好。婁。敕畧反。又音釋。夏。四月。甲

辰朔。日有食之。秋。八月。戊辰。衛侯惡卒。元年。大夫

盟于號。九月。公至自楚。冬。十有一月。癸未。季孫

宿卒。十有二月。癸亥。葬衛襄公。

傳。七年春。王正月。暨齊平。齊求之也。齊伐燕。燕久賂

之。反從求平。如晏子言。癸巳。齊侯次于號。號。燕。竟。燕人行

成。曰。敝邑知罪。敢不聽命。先君之敝器。請以

謝罪。敝器。瑤瓊。玉。櫝之屬。公孫皙曰。受服而退。侯豐而

動。可也。皙。齊大夫。二月。戊午。盟于濡上。濡。水出高陽縣東北。

至河間鄭縣入易水。燕人歸燕姬。嫁女與齊侯。賂

以瑤瓊玉櫝。瑯耳。不克而還。瑯。玉也。櫝。匱也。瑯耳。玉爵。



古雅反楚子之為令尹也。為王旌以田。折羽為旌。

王旌游至於軫。游音留。芋尹無宇斷之曰：一國兩君，其

誰堪之？及即位，為章華之宮，納亡人以實之。

章華，南郡華容縣。芋，于付反。斷音短。無宇之閤入焉。有罪亡入章華。

宮無宇執之，有司弗與。曰：執人於王宮，

其罪大矣。執而謁諸王。執無字也。王將飲酒，遇其歡也。

無宇辭曰：天子經畧，經營天下。畧，有四海。故曰經畧。諸侯正

封，封疆有定分。古之制也。封畧之內，何非君土？食

土之毛，誰非君臣？毛，草也。故詩曰：普天之下，莫

非王土。率土之濱，莫非王臣。詩小雅。濱，涯也。天有十

日，甲至人有十等。王至臺下所以事上，上所以

共神也。故王臣公，公臣大夫，大夫臣士，士臣

阜，阜臣輿，輿臣隸，隸臣僚，僚臣僕，僕臣臺，馬

有圉，牛有牧。養馬曰圉，養牛曰牧。共音恭。以待百事。今有

司曰：女胡執人於王宮？將焉執之？周文王之

法曰：有亡荒閱，荒，大也。閱，蒐也。有亡人當太蒐其衆。所以得天

下也。吾先君文王，楚文作僕區之法。僕區，刑書名。

區，烏侯反。徐如字。服云：僕，隱也。區，匿也。為隱匿亡人之法也。曰：盜所隱器，隱盜。



所得器與盜同罪所以封汝也行善法故能啓若從

有司是無所執逃臣也逃而舍之是無陪臺也

言皆王事無乃闕乎昔武王數紂之罪以告諸

侯曰紂為天下逋逃主萃淵藪萃集也天下逋

藪集而歸之數色具反又色故夫致死焉人欲

討紂天音扶君王始求諸侯而則紂無乃不可

乎若以二文之法取之盜有所在矣言王亦王

曰取而臣以往往去盜有寵未可得也盜有寵王

靈王遂赦之赦無楚子成章華之臺願與諸侯

落之宮室始成祭之為落大宰遠啓彊曰臣能得魯

侯遠啓彊來召公辭曰昔先君成公命我先大

夫嬰齊曰吾不忘先君之好將使衡父照臨楚

國鎮撫其社稷以輯寧爾民嬰齊受命于蜀蜀

在成二年衡父公衡奉承以來弗敢失墮而致

諸宗祧言奉成公此語以曰我先君共王引領

北望日月以冀冀魯朝傳序相授於今四

王矣四王共康邾嘉惠未至唯襄公之辱臨

我喪襄公二十八年孤與其二三臣悼心失



圖

在哀喪故

社稷之不皇況能懷思君德

皇暇也言有大

喪多不暇

今君若步玉趾辱見寡君

也

寵靈楚

國以信蜀之役致君之嘉惠是寡君既受貺

矣何蜀之敢望

言但欲使君來不敢望如蜀復有質子。復去聲質音致。

同其先君鬼神實嘉賴之豈唯寡君君若不

來使臣請問行期

問魯見伐之期

寡君將承質幣而

見于蜀以請先君之貺

請問也見音現

公將往夢

襄公祖

祖祭道神

梓慎曰君不果行襄公之適楚

也夢周公祖而行今襄公實祖君其不行子

服惠伯曰行先君未嘗適楚故周公祖以道

之襄公適楚矣而祖以道君不行何之三月

公如楚鄭伯勞于師之梁

鄭城門勞去聲

孟僖子

為介不能相儀

僖子仲孫纘纘俱縛反

及楚不能答郊

勞

為下僖子病不能罷相禮張本

夏四月甲辰朔日有食之

晉侯問於士文伯曰誰將當日食對曰魯衛

惡之

受其凶惡惡之如字或去聲

衛大魯小公曰何故對

曰去衛地如魯地

衛地豕韋也魯地降婁也日食於豕韋之末及降婁

之始乃息故禍在衛大在魯小周四於是



災魯實受之

災發於衛而魯受其餘禍

其大咎其衛君乎

魯將上卿

八月衛侯卒十月季孫宿卒

公曰詩所謂彼日

而食于何不臧者何也

感日食而問詩

對曰不善政

之謂也國無政不用善則自取謫于日月之

災

謫謹也

故政不可不慎也務三而已一曰擇

人

擇賢

二曰因民

因民所利而利之

三曰從時

順四時之

所晉人來治杞田

前女叔侯不盡歸今公適楚晉人恨故復來治杞田

季孫將以成與之

成孟氏邑本杞田

謝息為孟孫守

不可

謝息僖子家臣為去聲下同守音狩守臣同

曰人有言曰雖

有挈餅之知守不假器禮也

挈餅汲者喻小知為人守器猶

知不以借人知音智

夫子從君而守臣喪邑

夫子謂孟僖子

從公如楚喪去聲

雖吾子亦有猜焉

言季孫亦將疑我不忠

孫曰君之在楚於晉罪也

言晉罪君之至楚

又不聽

晉魯罪重矣晉師必至吾無以待之不如與

之間晉而取諸杞

候晉間隙可復伐杞取之

吾與子

桃

魯國下縣東南有桃虛

成反誰敢有之是得一成也

魯無憂而孟孫益邑子何病焉辭以無山與

之萊柞

萊柞二山。萊音來柞音洛反又音昨

乃遷于桃

謝息遷也



晉人為祀取成不書非楚子享公子新臺章

也臺使長鬣者相鬣鬣也欲先夸魯侯好以大

屈宴好之賜大屈弓名既而悔之遂啓疆

聞之見公公語之拜賀公曰何賀對曰齊與

晉越欲此久矣寡君無適與也而傳諸君君

其備禦三鄰言齊晉越將伐魯而取之見

慎守寶矣敢不賀乎公懼乃反之傳言楚靈

終不鄭子產聘于晉晉侯有疾韓宣子逆客私

焉私語曰寡君寢疾於今三月矣竝走羣望晉

望祀山川皆有加而無瘳今夢黃熊入於寢

門其何厲鬼也對曰以君之明子為大政其

何厲之有昔堯殛鯀于羽山羽山在東海祝

音雄獸名亦作能如字一奴來反三足鼈也

解者云獸非入水之物故知為鼈也說文云

能熊屬其神化為黃熊以入于羽淵實為夏郊

三代祀之鯀禹父夏家郊祭之歷殷周二晉

為盟主其或者未之祀也乎言周衰晉為盟

羣神韓子祀夏郊祀晉侯有間間差也賜子

產莒之二方鼎方鼎莒所貢子產為豐施歸州田



於韓宣子

豐施。鄭公孫段之子。三年。晉以州田賜段。為于偽反。

曰日

君以夫公孫段為能任其事而賜之州田。今

無祿早世。不獲又享君德。其子弗敢有。不敢

以聞於君。私致諸子。

此年正月公孫段卒。夫音扶。任音壬。下同。

宣子辭。子產曰。古人有言曰。其父析薪。其子

弗克負荷。

荷。擔也。以微薄喻貴重。荷河可反。擔丁甘反。

施將懼不

能任其先人之祿。其況能任大國之賜。縱吾

子為政而可。後之人若屬有疆場之言。敝邑

獲戾。

恐後代宣子者。將以鄭取晉邑罪鄭。屬音獨。

而豐氏受其大

討。吾子取州。是免敝邑於戾。而建置豐氏也。

敢以為請。

傳言子產真而不諫。

宣子受之。以告晉侯。晉

侯以與宣子。宣子為初言。病有之。

初言。謂與趙文子爭。

州以易原縣於樂大心。

樂大心。宋大夫。原。鄭田。晉邑。以賜樂大心。

鄭人相驚。以伯有曰。伯有至矣。則皆走。不知所

往。

襄三十年。鄭殺伯有。言其鬼至。

鑄刑書之。歲二月。

在前。或

夢伯有介而行也。

介。甲也。

曰。壬子。余將殺帶也。

帶。馬也。

明年壬寅。余又將殺段也。

及壬子。駟帶卒。國人益



懼齊燕平之月此年正月壬寅公孫段卒國人愈

懼其明月子產立公孫洩及良止以撫之乃

止公孫洩子孔之子也襄十九年鄭殺子孔良止伯有子也立以為大夫使有宗廟

子大叔問其故子產曰鬼有所歸乃不為厲

吾為之歸也大叔曰公孫洩何為子孔不為厲問何為

復立子產曰說也為身無義而圖說伯有無義以妖

鬼故立之恐惑民并立洩使若自以大義存誅絕之後者以解說民心說如字下同又

始銳從政有所反之以取媚也民不可使知

當反道以不媚不信說而後不信民不從也

及子產適晉趙景子問焉景子晉中軍佐趙成曰伯有

猶能為鬼乎子產曰能人生始化曰魄魄形也

既生魄陽曰魂陽神氣也用物精多則魂魄強物權

是以有精爽至於神明爽明也匹夫匹婦強

死其魂魄猶能馮依於人以為淫厲強死病也人

謂匹夫匹婦賊身強其丈夫反下同况良霄我先君穆公之冑

子良之孫子耳之子敝邑之鄉從政三世矣

鄭雖無腆腆厚也子良公子去疾生子耳

抑諺曰蕞爾國蕞小貌而三世執其政



柄其用物也弘矣其取精也多矣其族又大  
所馮厚矣良霄魂魄所馮者貴重而強死能為鬼不亦

宜乎傳言子產之博敏子皮之族飲酒無度相尚以奢相困

以故馬師氏與子皮氏有惡馬師氏公孫鉏之子罕朔也襄

三十年馬師頡出奔公孫鉏代之為馬師與子皮俱同一族齊師還自燕

之月在此年罕朔殺罕魍魍子皮弟罕朔奔晉韓

宣子問其位於子產問朔可使在何位子產曰君之

羈臣苟得容以逃死何位之敢擇卿違從大

夫之位謂以禮去者降位一等罪人以其罪降罪重則降多

古之制也朔於敝邑亞大夫也其官馬師也

大夫位馬師職獲戾而逃唯執政所寘之得免其死

為惠大矣又敢求位宣子為子產之敏也使

從嬖大夫為子產故使降一等不以為子于偽反秋八月衛

襄公卒晉大夫言於范獻子曰衛事晉為睦

睦和也晉不禮焉庇其賊人而取其地賊人孫林父其

也地戚也故諸侯貳詩曰鷓鴣在原兄弟急難詩小

雅鷓鴣難渠也飛則鳴行則搖喻兄弟相難如字又乃旦反又

曰死喪之威兄弟孔懷威畏也言有死喪則兄弟宜相懷思兄



弟之不睦。於是乎不弔。

不相弔恤。

況遠人誰敢歸

之。今又不禮於衛之嗣。

嗣新君也。

衛必叛我。是絕

諸侯也。獻子以告韓宣子。宣子說。使獻子如

衛弔。且反戚田。

傳言戚田所由還衛。

說音悅。

衛齊惡告喪

于周。且請命。王使成簡公如衛弔。

簡公王卿士也。

且

追命襄公曰。叔父陟恪。在我先王之左右。以

佐事上帝。

陟登也。恪敬也。帝天也。叔父謂襄公。命如今之哀策。

余敢忘

高圍。亞圍。

二圍。周之先也。為殷諸侯。亦受殷王追命者。

九月。公至

自楚。孟僖子病不能相禮。

不能相儀。答郊乃勞。以此為已病。

講學之。

講習也。

苟能禮者從之。及其將死也。

十二年。

四年。孟僖子卒。傳終言之。

召其大夫。

僖子屬大夫。

曰。禮人之幹

也。無禮無以立。吾聞將有達者。曰孔丘。

僖子卒時。

孔丘年三十五。

聖人之後也。

聖人。殷湯。

而滅於宋。

孔子六代祖孔。

父嘉為宋督所殺。其子奔魯。

其祖弗父何。以有宋而授厲

公。厲公之兄。何適嗣當立。以讓厲公。及正

考父。

弗父何曾孫。

佐戴武宣。

三人皆宋君。

三命茲益共

三命。上卿也。言位高益共。

故其鼎銘云。

一命而僂。

再命而偃。三命而俯。

僂。力主反。偃。紆羽反。俯。共於僂。



循牆而走

言不敢安行

亦莫余敢侮

其共如是人亦不敢侮之

饋於是鬻於是餬余口

於是鼎中為饋鬻饋鬻餬屬言至儉

饋之然反鬻之六反

其共也如是臧孫紇有言

紇武仲也

曰聖人有明德者若不當世其後必有達人

聖人之後有明德而

今其將在孔丘乎我若

獲沒

得以壽終

必屬說與何忌於夫子使事之

說南

宮敬叔何忌孟懿子皆僖子之子屬音燭說音悅

而學禮焉以定其

位

知禮則位安

故孟懿子與南宮敬叔師事仲尼

仲尼曰能補過者君子也詩曰君子是則是

效

詩小雅

孟僖子可則效已矣單獻公奔親用

鞞

獻公周卿士單靖公之子頃公之孫鞞寄客也單音善

冬十月辛酉

襄頃之族殺獻公而立成公

襄公頃公之父成公獻公弟

頃音

十一月季武子卒晉侯謂伯瑕

伯瑕士文伯

曰吾所問日食從矣可常乎

衛侯武子皆卒故

對曰

不可六物不同

各異時

民心不壹

政教殊

事序不

類

有變易

官職不則

治官居職非一法

同始異終胡可

常也詩曰或燕燕居息或憔悴事國

詩小雅言不同

○樵在遙反詩作盡

其異終也如是公曰何謂六物對

昭七年

左傳卷三十一

三十一



曰歲時日月星辰是謂也。公曰多語寡人辰。

而莫同。何謂辰？對曰：日月之會是謂辰。一歲日月

十二會。所會謂之辰。語魚據反。故以配日。謂以子丑配甲乙。衛襄

公夫人姜氏無子，宣姜嬖人媯始生孟縶。孔

成子夢康叔謂已立元。成子衛卿。孔達之孫。孟縶弟。夢

時元未生。媯音周。又直。周反。始烏答反。紱張立反。余使羈之孫圉與

史苟相之。羈。烝。鉏子。苟。史朝子。史朝亦夢康叔謂已。余

將命而子苟與孔烝鉏之曾孫圉相元。史朝

見成子告之夢。夢協也。協。合也。晉韓宣子為政聘

于諸侯之歲。在二媯始生子。名之曰元。孟縶

之足不良。能行也。跛也。孔成子以周易筮之曰：元

尚享衛國。主其社稷。今著。辭。遇屯。震下坎。上。屯。

又曰：余尚立紱。尚克嘉之也。嘉。善也。遇屯。三三三之。

比。坤下坎上。比。屯初九爻變。比音鼻。以示史朝。史朝曰：

元亨。又何疑焉？周易曰。屯元亨。成子曰：非長之謂乎？

言屯之元亨。謂年長。非謂名元。長丁丈反。下同。對曰：康叔名之。可

謂長矣。善之也。孟非人也。將不列於宗。不可謂

長。足跛。非全人。不可列為宗主。且其繇曰：利建侯。繇。卦辭。直。



又嗣吉何建建非嗣也嗣子有常位。故無所

不定。上嗣得吉。則二卦皆云謂再得屯卦。皆

子其建之。康叔命之。二卦告之。筮襲於夢。武

王所用也。弗從何為外傳云。大誓曰。朕夢協

克。此武弱足者居跛則偏弱。居侯主社稷。臨

祭祀。奉民人。事鬼神。從會朝。又焉得居。各以

所利不亦可乎孟跛利居。元吉利建故孔成子立靈公。

十二月癸亥葬衛襄公靈公。元也

春秋經傳集解昭公二第二十一

春秋經傳集解昭公二第二十二

杜氏 盡十二年

經八年春陳侯之弟招殺陳世子偃師以首

殺例。故稱弟。又稱夏四月辛丑陳侯溺卒襄

十七年。大夫盟于叔弓如晉楚人執陳行人

于徵師殺之稱行人。明陳公子留出奔鄭留

招所立。未成秋蒐于紅革車千乘。不言大者。

君而出奔陳人殺其大夫公子過與

國蕭縣。西有紅亭。大雩無傳。不早而冬十月

共殺偃師。書名。罪過古禾反冬十月



壬午楚師滅陳

不稱將帥不以告

執陳公子

招放之于越

無傳復稱公子

殺陳孔奐

招之黨楚殺之

葬陳哀公

魯往會故書

傳八年春石言于晉魏榆

魏榆晉地

晉侯問於師

曠曰石何故言對曰石不能言或馮焉

謂有精神

馮依石而

不然民聽濫也

濫失也

抑臣又聞

之

抑疑

曰作事不時怨讟動于民則有非言之物而言今宮室崇侈民力彫盡

怨讟

彫傷也

竝作莫保其性

性命也民不敢自保其性命

石言不亦宜

乎於是晉侯方築虎祁之宮

虎祁地名在絳西四十里臨汾

水音斯

叔向曰子野之言君子哉

子野師曠字君

子之言信而有徵故怨遠於其身

怨咎遠其身也

千萬

小人之言僭而無徵故怨咎及之詩曰

哀哉不能言匪舌是出唯躬是瘁

詩小雅也

不知言理以僭言見退者其言非不從舌出以僭而無信自取瘁病故哀之

疇矣能言巧言如流俾躬處休其是之

謂乎

疇嘉也巧言如流謂非正言而順敘以聽言見答者言其可嘉以信而有徵自

取安逸師曠此言緣問流轉終歸于諫故以比巧言如流也當叔向時詩義如此故與今



說詩者小異是宮也。成諸侯必叛。君必有咎。

夫子知之矣。為十年晉侯彪卒傳陳哀公元妃鄭姬生

悼太子偃師。元妃嫡夫人也二妃生公子留。下妃生

公子勝。二妃嬖。留有寵。屬諸司徒。招與公子

過。招及過皆哀公弟也。屬音燭哀公有廢疾。廢肺反三月

甲申。公子招。公子過。殺悼太子偃師。而立公

子留。夏四月辛亥。哀公縊。憂患自殺。經書辛丑。從赴。患一睡

于徵師赴于楚。于徵師陳大夫且告有立君。公子

勝愬之于楚。以招過殺偃師。告愬也楚人執而殺之。于殺

徵師公子留奔鄭。書曰。陳侯之弟招殺陳世子

偃師。罪在招也。楚人執陳行人于徵師殺之。

罪不在行人也。疑為招赴楚。當同罪。故重發之叔弓如晉。賀

虎祁也。賀宮成游吉相鄭伯。以如晉。亦賀虎祁

也。史趙見子大叔曰。甚哉其相蒙也。蒙欺也。相息

亮反。下相吾室同可弔也。而又賀之。子大叔曰。若何

弔也。其非唯我賀。將天下實賀。言諸侯畏晉。非獨鄭秋

大蒐于紅。自根牟至于商衛。革車千乘。大蒐數軍

實。簡車馬也。根牟。魯東界。琅邪。陽都縣有牟鄉。商。宋地。魯西竟。接宋衛也。言千乘。明大蒐

昭八年 左傳卷三十二 二



且見魯衆之大數也

七月甲戌齊子尾卒。子旗欲治其

室

子旗。樂施也。欲并治子尾之家政。

丁丑殺梁嬰

梁嬰。子尾家宰。八

月庚戌逐子成。子工。子車。

子。齊大夫。子尾之屬。子成。頃公子

固也。子工。成之弟。鑄也。子車。頃公之孫捷也。

皆來奔

不書。非卿。

而立子

良氏之宰

子良。子尾之子。高彊也。子旗為子良立宰。

其臣曰孺子

長矣

孺子。謂子良。

而相吾室。欲兼我也。

兼。并也。

授甲

將攻之。陳桓子善於子尾。亦授甲將助之。或

告子旗。子旗不信。則數人告將往。又數人告

於道。遂如陳氏。桓子將出矣。聞之而還。

聞。子旗至。

游服而逆之

去戎備。著常游戲之服。

請命

問桓子所至。

對曰

聞彊氏授甲將攻子。子聞諸曰。弗聞。子盍亦

授甲。無字請從。

無字。桓子名。從。才用反。

子旗曰。子胡然

彼孺子也。吾誨之。猶懼其不濟。吾又寵秩之

謂為之。二立宰。

其若先人何。子盍謂之

謂之。使無攻我。

周書

曰。惠不惠。茂不茂。

周書。康誥也。言當施惠於不惠者。勸勉於不勉者。茂。

也。康叔所以服弘大也。

服。行也。

桓子稽顙曰。頃

靈福子

頃公。靈公。樂氏所事之君。

吾猶有望

望。子旗惠及己。

遂和

之如初

和。樂高。二家。

陳公子招歸罪於公子過而



殺之言招所以不九月楚公子弃疾帥師奉

孫吳圍陳孫吳悼犬子偃宋戴惡會之戴惡宋大

夫冬十一月壬午滅陳壬午十月十八日與

嬖袁克殺馬毀玉以葬輿衆也袁克嬖人之

哀公楚人將殺之請寬之置馬既又請私私盡

恩私於幄加經於顛而逃幄帳也逃不欲為

使穿封戌為陳公戌楚大夫滅陳為曰城麋

之役不諂城麋役在襄二十六年或與侍飲

酒於王王曰城麋之役女知寡人之及此女

其辟寡人乎及此謂為王對曰若知君之及

此臣必致死禮以息楚息寧晉侯問於史趙

曰陳其遂亡乎對曰未也公曰何故對曰陳

顛頊之族也陳祖舜舜歲在鶉火是以卒滅

陳將如之顛頊氏以歲在鶉火今在析木之

津猶將復由箕斗之間有天漢故謂且陳氏

得政于齊而後陳卒亡物莫能自幕至于瞽

瞍無違命幕舜之先瞽瞍舜父從幕至舜重

之以明德實德於遂遂舜後蓋殷之興存舜



遂至於遂世守之。及胡公不淫，故周賜之姓，使

祀虞帝。胡公滿。遂之後也。事周武王。賜姓曰媯。封諸陳。紹舜後。臣聞盛

德必百世祀。虞之世數未也。繼守將在齊。其

兆既存矣。言陳氏興盛於齊。形兆已見。

經九年春，叔弓會楚子于陳。以事往。非行會禮。許遷

于夷。許畏鄭欲遷。故以自遷為文。夏四月，陳災。天火曰災。陳既已滅。

降為楚縣。而書陳災者，猶晉之梁山沙鹿崩。不書晉災，害繫於所災所害。故以所在為名。

秋，仲孫矍如齊。矍俱。反。冬，築郎囿。

傳九年春，叔弓、宋華亥、鄭游吉、衛趙厲會楚

子于陳。楚子在陳。故四國大夫往。非盟主所召。不行會禮。故不摠書。厲於滅反。

二月，庚申，楚公子弃疾遷許于夷，實城父。此時

改城父為夷。故傳實之。城父縣屬譙郡。取州來淮北之田以益

之。益許田。伍舉授許男田。然丹遷城父人於陳。

以夷濮西田益之。以夷田在濮水。西者與城父人。遷方城外

人於許。成十五年許遷於葉。因謂之許。今許遷於夷。故以方城外。人實其處。傳言

靈王使民不安。葉。始涉反。周甘人與晉閻嘉爭閻田。甘

甘大夫襄也。閻。嘉。晉閻縣大夫。晉梁丙、張趯率陰戎伐潁。陰

陸渾之戎。潁。周。邑。趯。他。歷。反。王使詹桓伯辭於晉。辭。責讓。桓伯。



周大曰我自夏以后稷魏駘芮岐畢吾西土

也在夏世以后稷功受此五國為西土之長駘在始平武功縣所治釐城岐在扶風美

陽縣西北駘他來反芮如及武王克商蒲

姑商奄吾東土也樂安博昌縣北有蒲姑城蒲如字又音薄奄於檢

反巴濮楚鄧吾南土也肅慎燕亳吾北土也

肅慎北夷在玄菟北三千餘里吾何邇封之有邇近文武成

康之建母弟以蕃屏周亦其廢隊是為為後世廢

隊兄弟之國當救濟之隊音墜為去聲豈如弁髦而因以敝之

童子垂髦始冠必三加冠成禮而弁其始冠故言弁髦因以敝之弁亦冠也始冠去聲

先王居禱杙于四裔以禦魍魎言禱杙畧舉四凶之一下

言四裔則三苗在其中故允姓之姦居于瓜州允姓陰

與三苗俱放三危者瓜州今敦煌伯父惠公歸自秦而誘以

來僖十五年晉惠公自秦歸二十二年秦晉遷陸渾之戎於伊川使偪我諸

姬入我郊甸則戎焉取之邑外為郊郊外為甸言戎取周郊甸

之地焉於戎有中國誰之咎也咎在后稷

封殖天下今戎制之不亦難乎后稷修封疆殖五穀今戎

得之唯伯父圖之我在伯父猶衣服之有冠

冕木水之有本原民人之有謀主也民人謀王宗族

昭九

左傳卷二十二

六



長之師伯父若裂冠毀冕拔本塞原專奔謀主

雖戎狄其何有余一人伯父猶然則雖戎狄無所可責晉率陰戎

故云然周邑叔向謂宣子曰文之伯也豈能改物

言文公雖霸未能改正朔翼戴天子而加之

以共翼佐自文以來世有衰德而暴滅宗周

天子宗周以宣示其侈諸侯之貳不亦宜乎且王

辭直子其圖之宣子說王有姻喪外親之喪

使趙成如周弔且致閭田與祿送衣反穎俘

王亦使賓滑執甘大夫襄以說於晉晉人禮

而歸之賓滑周大夫夏四月陳災鄭裨竈

曰五年陳將復封封五十二年而遂亡子產

問其故對曰陳水屬也陳顛頊之後故為水屬

火水妃也火畏水故為之妃而楚所相也相治

也楚之先祝融為高辛氏火正今火出而火陳

四月出者以長歷推前年誤置閏逐楚而建

陳也水得妃而興陳與則楚妃以五成故曰

五年妃合也五行各相妃合得五而成故五

歲而陳復封為十三年陳侯吳歸于陳音配

歲五及鶉火而後陳卒亡楚克有之音配



天之道也故曰五十二年

是歲歲在星紀五歲及大梁而陳復

封自大梁四歲而及鶉火後四周四十八歲凡五及鶉火五十二年天數以五為紀故五

及鶉火火盛水衰

晉荀盈如齊逆女

自為逆還六

月卒于戲陽

魏郡內黃縣北有戲陽城戲許宜反

殯于絳未

葬晉侯飲酒樂膳宰屠蒯趨入請佐公使尊

公之使人執尊酌酒請為許之公許而遂酌

以飲工

工樂師師曠也飲於鳩反下同

曰女為君耳將司

聰也

樂所以聰耳女音汝下皆同

辰在子卯謂之疾日

疾惡

也紂以甲子喪桀以乙卯亡故國君以為忌日

君徹宴樂學人舍業

為疾故也君之卿佐是謂股肱股肱或虧何

痛如之

言痛疾過於忌日音捨為于偽反下同

女弗聞而樂

是不聰也

不聞是義而作樂

又飲外嬖嬖叔

外都大夫之嬖

者曰女為君目將司明也

職在外故主視服以旌禮

也旌表禮以行事

事政令

事有其物

物類也

容容貌今君之容非其物也

有卿佐之喪而作樂歡會故曰

非其物而女不見是不明也亦自飲也曰味以

行氣氣以實志

氣和則志充

志以定言

在心為志發口為言

言以出令臣實司味二御失官而君弗命臣



之罪也

工與嬖叔侍御君者失官不聰明

公說徹酒初公欲

廢知氏而立其外嬖為是悛而止

說音悅知音智下

同悛七

秋八月使荀躒佐下軍以說焉

全反

子知文子也。佐下軍代父也。說自解說。躒力狄反。又音洛。

孟僖子如齊

殷聘禮也

自叔老聘齊至今二十年禮意久曠今脩盛聘以無忘舊好故曰禮

冬築郎囿書時也季平子欲其速成也叔孫

昭子曰詩曰經始勿亟庶民子來

詩大雅言文王始經

營靈臺非急疾之眾民自以子義來勸焉用

速成其以勦民也

勦勞也。勦初反。無囿猶可

無民其可乎

經十年春王正月夏齊欒施來奔

著酒好內以取敗亡

故書

秋七月季孫意如叔弓仲孫矍帥師伐

莒

三大夫皆卿故書之季孫為主二子從之

戊子晉侯彪卒

五同盟

九月叔孫婁如晉葬晉平公

三月而葬速

十有二

月甲子宋公成卒

十一同盟也無冬史闕文成音城或音恤

傳十年春王正月有星出于婺女

客星也。不書非幸。

李蒲對反

鄭裨竈言於子產曰七月戊子晉君將

死今茲歲在顓頊之虛

歲歲星也。顓頊之虛謂玄枵。虛起魚反



姜氏任氏實守其地

姜齊姓。任薛姓。齊薛二國守玄枵之地。

居

其維首而有妖星焉告邑姜也

客星居玄枵之維首。邑姜。

齊大公主。晉唐叔之母。星占。娶女為既嫁之

女。織女為處女。邑姜齊之既嫁女。妖星在娶

女。齊得歲。故 邑姜晉之妣也。天以七紀

二十。知禍歸。邑姜。

面戊子逢公以登星斯於是乎出

逢公。殷諸侯居齊地

者。逢公將死。妖星出。娶女。時非歲星

所在。故齊自當禍。而以戊子日卒。

譏之

為晉侯。齊惠。欒高氏皆著酒。

欒高。二族。皆出惠公。

信內多怨

說婦人言。故多怨。

疆於陳鮑氏而惡之

鮑。惡。鳥路反。 夏有告陳桓子曰。子旗子良將攻陳

鮑亦告鮑氏。桓子授甲而如鮑氏。遭子良醉

而騁。欲及子良醉。故。遂見文子。則亦授

甲矣。使視二子。則皆將飲酒。桓子曰。

彼雖不信。聞我授甲。則必逐我。及其飲

酒也。先伐諸陳。鮑方睦。遂伐欒高氏。子良曰。

先得公。陳鮑焉往。遂伐虎門。四族

召之。無所往。其徒曰。助陳鮑乎。曰。何

善焉。助欒高乎。曰。庸愈乎。

言無善。義可助。 罪惡不差。於陳鮑。



差初賣反然則歸乎。曰君伐焉歸。公召之而後入。

公上使王黑以靈姑鉞率吉請斷三尺焉。而

用之。王黑。齊大夫。靈姑鉞。公旗名。斷三尺。不敢與君同。鉞扶眉反。又音平。率所律反。又所類反。

五月庚辰戰于稷。稷。祀后稷之處。樂高

敗。又敗諸莊。莊。六軌之道。國人追之。又敗諸鹿門。

鹿門。齊城門。樂施高彊來奔。高彊。不書。非卿。陳鮑分其室。

晏子謂桓子必致諸公。讓德之主也。讓之謂

懿德。凡有血氣皆有爭心。故利不可強。不可強取。

○強其思義為愈。義利之本也。蒞利生孽。蒞。畜也。孽。妖害也。

也。蒞。紆粉反。姑使無蒞乎。可以滋長。桓子盡

致諸公而請老于莒。莒。齊邑。長丁。丈反。桓子召子山

子山。子商。子周。襄三十一年。子尾所逐。羣公子。私具幄幕器用從者

之衣履。私具。不告公。而反棘焉。棘。子山故邑。齊國西安縣東有戟里

亭。子商亦如之。而反其邑。子周亦如之。而與

之夫子。子周本無邑。故更與之。濟南於陵縣西北有于亭。反子城子

公。公孫捷。三子。八年。子旗所逐。而皆益其祿。凡公子公

孫之無祿者。私分之邑。桓子以邑分之。國之貧約

孤寡者。私與之粟。曰詩云。陳錫載周。能施也。



詩大雅言文王能布陳大利以桓公是以霸賜天下行之周徧○施始豈反桓公是以霸

齊桓公亦能施以致霸公與桓子莒之旁邑辭讓不穆

孟姬為之請高唐陳氏始大穆孟姬景公母傳言陳氏所以

與秋七月平子伐莒取郟郟莒邑取郟不書公見討於平丘魯

諱之○獻俘始用人於亳社殷社以人祭臧武仲

在齊聞之曰周公其不饗魯祭乎周公饗義

魯無義詩曰德音孔昭視民不佻詩小雅佻偷也言明

德君子必愛民○佻他彫反佻之謂甚矣而壹用之將誰

福哉壹同也同戊子晉平公卒如裨竈之言鄭伯

如晉及河晉人辭之游吉遂如晉禮諸侯不相弔故辭

九月叔孫婁齊國弱宋華定衛北宮喜鄭罕

虎許人曹人莒人邾人滕人薛人杞人小邾

人如晉葬平公也經不書諸侯大夫者非盟會鄭子皮將

以幣行見新君之贄○見音現下至因見同子產曰喪焉用幣

用幣必百兩載幣用車百乘百兩必千人千人至將

不行行也用不行必盡用之不得見新君將自費用盡幾千

人而國不亡言千人之費不可數幾音紀數所角反子皮固請

以行既葬諸侯之大夫欲因見新君叔孫昭



子曰非禮也弗聽叔向辭之曰大夫之事畢

矣送葬禮畢而又命孤孤斬焉在衰經之中既葬未卒

哭故猶其以嘉服見則喪禮未畢其以喪服

見是重受弔也大夫將若之何皆無辭以見

子皮盡用其幣歸謂子羽曰非知之實難將

狂行之言不患不知患不能行以見音現下同夫子知之矣我

則不足言已由子產之戒既知其不足書曰欲

敗度縱敗禮逸書我之謂矣夫子知度與禮矣

我實縱欲而不能自克也欲因喪以慶新君故縱而行之不能

自勝勝音升昭子至自晉大夫皆見高彊見而退

高彊子良昭子語諸大夫曰為人子不可不慎也

哉昔慶封亡子尾多受邑而稍致諸君君以

為忠而甚寵之將死疾于公宮在公宮被疾

輦而歸君親推之推其車而送之推如字又他回反其子不

能任是以狂此忠為令德其子弗能任罪猶

及之難不慎也喪夫人之力弃德曠宗以及

其身不亦害乎夫人謂子尾曠空也詩曰不

自我先不自我後其是之謂乎詩小雅言禍亂不在他正



當已身以喻高。冬十二月宋平公卒。初元公

惡寺人柳欲殺之。元公平公太子佐及喪柳

熾炭于位。以温地將至則去之。使公坐其處比

葬。又有寵。言元公好惡無常

經十有一年春王二月叔弓如宋葬宋平公。

夏四月丁巳楚子虔誘蔡侯般殺之于申。蔡侯

雖弑父而立。楚子誘而殺之。刑其羣士。楚公

子弃疾帥師圍蔡。五月甲申夫人歸氏薨。昭公

母胡女。太蒐于比蒲。音毗仲孫獲會邾子盟

于稷祥。稷祥地闕。稷子秋季孫意如會晉

韓起齊國弱宋華亥衛北宮佗鄭罕虎曹人

杞人于厥憇。厥憇地闕。作徒何反。憇魚九

月己亥葬我小君齊歸。齊諡冬十有一月丁酉

楚師滅蔡執蔡世子有以歸用之。用之殺

傅十一年春王二月叔弓如宋葬平公也。嫌

聘事行故傳具之。景王問於萇弘曰今茲諸侯何實

吉何實凶。萇弘周大夫對曰蔡凶此蔡侯般

弑其君之歲也歲在豕韋。襄三十年蔡世子



韋至今十三歲。歲復弗過此矣。言蔡凶不楚在豕韋般。即靈侯也。

將有之。然壅也。蔡近楚。故知楚將有之。楚無德而享大利。所以壅積其惡。

歲及大梁。蔡復楚凶天之道也。楚靈王弒立梁。到昭十三年。歲復在大梁。美惡周必復。故知楚凶。

楚子在申召蔡靈侯。靈侯將往。蔡大夫曰。王貪而無信。唯蔡於

感。蔡近楚之大國。故楚常恨其不服順。感戶暗反。今幣重而言甘。

誘我也。不如無往。蔡侯不可。三月丙申。楚子

伏甲而饗蔡侯於申。醉而執之。夏四月丁巳。

殺之。刑其士七十人。公子弃疾帥師圍蔡。傳

楚子無道韓宣子問於叔向曰。楚其克乎。對曰。克

哉。蔡侯獲罪於其君。謂弒父而立。而不能其民。不能

施德天將假手於楚以斃之。借楚手以討蔡。何故不克。

然。胙聞之。不信。以幸。不可再也。楚王奉孫吳

以討於陳。曰。將定而國。陳人聽命。而遂縣之

事在八年。今又誘蔡而殺其君。以圍其國。雖幸而

克。必受其咎。弗能久矣。桀克有緡。以喪其國。

紂克東夷。而隕其身。紂為黎之蒐。東夷叛之。桀為仍之會。有緡叛之。

故伐而克之。楚小位下。而亟暴於二王。能無咎乎。



天之假助不善非祚之也厚其凶惡而降之

罰也且譬之如天其有五材而將用之力盡

而敝之是以無拯不可沒振金木水火土五必有不敝盡則弃指故言無拯拯猶救助也不可沒振猶沒不可復振○亟欺冀反五

月齊歸薨大蒐于比蒲非禮也孟僖子會邾

莊公盟于稷祥脩好禮也蒐非存亡之由故臨喪不宜為之盟

會以安社稷故喪盟謂之禮泉丘人有女夢以其帷幕孟

氏之廟魯邑遂奔僖子其僚從之鄰女為僚友者隨而

盟于清丘之社曰有子無相弃也二女奔僖子

盟僖子使助遠氏之筮遠為僖子副妾別居在外故僖子納泉丘人女令副

遠氏生懿子及南宮敬叔於泉丘人其僚無

子使字敬叔字養也似雙生楚師在蔡向四月晉荀

吳謂韓宣子曰不能救陳又不能救蔡物以

無親物事也晉之不能亦可知也已為盟主而

不恤亡國將焉用之秋會于斨愁謀救蔡也

不書救蔡不果救鄭子皮將行子產曰行不遠不能

救蔡也蔡小而不順楚大而不德天將弃蔡



以壅楚盈而罰之盈楚惡蔡必亡矣且喪君而

能守者鮮矣三年王其有咎乎美惡周必復

王惡周矣元年楚子弒君而立歲在大梁後三年十三歲歲星周復於大梁

復於去聲晉人使狐父請蔡于楚弗許狐父晉大夫單

子會韓宣子于戚單子單成公視下言徐叔向曰

單子其將死乎朝有著定著定朝內列位常處謂之表著會

有表野會設表以為位衣有禴帶有結禴領會結帶也櫨櫨古

外反會朝之言必聞于表著之位所以昭事序

也視不過結櫨之中所以道容貌也言以命

之容貌以明之失則有闕今單子為王官伯

而命事於會視不登帶言不過步貌不道容

而言不昭矣不道不共不昭不從貌正曰共言順曰從

無守氣矣為此年冬單子卒起本九月葬齊歸公不感

晉士之送葬者歸以語史趙史趙曰必為魯

郊言昭公必出在郊野不能有國語魚據反侍者曰何故曰歸

姓也不思親祖不歸也姓生也言不思親則不為祖考所歸佑

叔向曰魯公室其卑乎君有大喪國不廢蒐

謂蒐比蒲有三年之喪而無一日之慙國不恤喪



不忌君也

也。忌。畏。

君無感容。不顧親也。國不忌

君。君不顧親。能無卑乎。殆其失國。

為二十五年。年公孫於

齊。傳。冬十一月。楚子滅蔡。用隱犬子于岡山。

蔡。公之犬子。蔡侯盧之父。

申無宇曰。不祥。五牲不相為用。

況用諸侯乎。

五牲。牛。羊。豕。犬。雞。為去聲。或如字。

王必悔之。

十二月。單成公卒。

終叔向之言。

楚子城陳。蔡不

葬。

襄城縣東南有不羹城。定陵西北。有不羹亭。羹音郎。漢書作更字。

使弃疾

為蔡公。主問於申無宇曰。弃疾在蔡。何如。對

曰。擇子莫如父。擇臣莫如君。鄭莊公城櫟而

寘子元焉。使昭公不立。

子元。鄭公子。莊公寘子元於櫟。桓十五年。

厲公因之以殺櫟大夫檀伯。遂居櫟。卒。使昭公不安位。而見殺。

齊桓

公城穀而寘管仲焉。至于今賴之。

城穀在莊三十二年。

臣聞五大不在邊。五細不在庭。

上古。金。木。水。火。土。謂之五

官。玄鳥氏。丹鳥氏。亦有五。又以五鳩鳩民。五

雉為五工正。蓋立官之本也。末世隨事施職。是以官無常數。今無宇稱習古言。故云五大

也。言五官之長。專盛過節。則不可居邊。細弱不勝任。亦不可居朝廷。親不在外。羈不在內。今弃疾在

外。鄭丹在內。

襄十九年。丹奔楚。

君其少戒。王曰。國有

大城。何如。對曰。鄭京櫟實殺曼伯。

曼伯。檀伯也。厲公得



樂。又并京。宋蕭亳實殺子游。在莊十年。齊渠丘

實殺無知。在莊九年。渠丘。今齊國西。安縣也。齊大夫雍廩邑。衛蒲戚

實出獻公。蒲。甯殖邑。戚。孫林父邑。若由是觀

之。則害於國。未大必折。折其本。尾大不掉。君所

知也。為十三年陳蔡作亂傳。掉。徒弔反。

經十有二年。春。齊高偃帥師。納北燕伯于陽

三年。燕伯出奔齊。高偃。高偃玄孫。齊大夫。陽。即唐燕別邑。中山有唐縣。不言于燕。未得國。

都。音奚。三月壬申。鄭伯嘉卒。五同盟。夏。宋公使

華定來聘。聘定華。公如晉。至河乃復。晉人以昔。故辭公。

五月。葬鄭簡公。三月而葬。速。楚殺其大夫成熊。在傳。

葬簡公上。經從赴。秋。七月。冬。十月。公子愁出奔齊。書名。

謀亂故也。愁。魚。觀反。一讀為整。楚子伐徐。不書圍。以乾谿師告。晉伐

鮮虞。不書將帥。史闕文。

傳十二年。春。齊高偃納北燕伯款于唐。因其

衆也。言因唐衆欲納之。故得先入唐。二月。鄭簡公卒。將為葬

除。除葬道。為于偽反。及游氏之廟。游氏子。大叔族。將毀焉。子

大叔使其除。徒執用以立。而無庸毀。廟具。毀。曰。

子產過女。而問何故不毀。乃曰。不忍廟也。諾。



將毀矣

教毀廟者之辭。女音汝。

既如是子產乃使辟之。

司墓之室有當道者

簡公別營葬地不在鄭先公舊墓故道有臨時

迂直也。司墓之室。鄭之掌公墓大夫徒屬之家。

迂音于。毀之則朝而崩

崩下棺。朝如字。北鄧反。又甫贈反。又作窆。音砭。

弗毀則日中而崩

子大叔請毀之曰無若諸侯之賓何

不欲久留賓

子產曰諸侯之賓能來會吾喪豈憚日中無

損於賓而民不害何故不為遂弗毀日中而

葬君子謂子產於是乎知禮禮無毀人以自

成也夏宋華定來聘通嗣君也

宋元公新即位公享

之為賦蓼蕭弗知又不答賦

蓼蕭詩小雅義取燕笑語兮是

以有譽處兮樂與華定燕語也。又曰既見君子為龍為光欲以寵光賓也。又曰宜兄宜弟。

令德壽凱言賓有令德可以壽樂也。又曰昭和鸞雍雍萬福攸同言欲與賓同福祿也。昭

子曰必亡宴語之不懷

懷思也

寵光之不宣

也令德之不知同福之不受將何以在

為二

華定出奔傳

齊侯衛侯鄭伯如晉朝嗣君也

晉昭公新

立公如晉

亦欲朝嗣君

至河乃復取鄭之役

在十

莒人愬于晉晉有平公之喪未之治也故辭

公公子愁遂如晉

愁魯大夫如晉不書還不復命而奔故史不書於策



晉侯享諸侯。子產相鄭伯，辭於享，請免喪而

後聽命。簡公未葬晉人許之禮也。善晉不奪孝子之情晉侯

以齊侯宴。中行穆子相。荀吳投壺。晉侯先穆

子曰：有酒如淮，有肉如坻。淮水名。坻山名。直疑反。寡

君中此為諸侯師中之齊侯舉矢曰：有酒如

澠，有肉如陵。澠水出齊國臨淄縣北。入時水。陵大阜也。中丁仲反。下同。澠

音寡人中此與君代興。代更也。音庚。亦中之伯

瑕謂穆子曰：伯瑕士曰：子失辭。吾固師諸侯矣。

壺何為焉？其以中雋也。言投壺中不足為雋異。齊君弱

吾君歸弗來矣。欲與晉君代興是弱之。穆子曰：吾軍帥

彊禦，卒乘競勸，今猶古也。齊將何事？言晉德不衰於

古齊不事晉。公孫佻趨進曰：日旰君勤，可以

出矣。以齊侯出。佻齊大夫。傳言晉之衰。佻素口反。又所流反。旰古旦反。

楚子謂成虎若敖之餘也，遂殺之。成虎。令尹子玉之孫。

與鬬氏同出於若敖。宣四年鬬椒作亂。今楚子信譖而託討若敖之餘。或譖成

虎於楚子，成虎知之而不能行。書曰：楚殺其

大夫成虎，懷寵也。解經所書名。六月葬鄭簡公。終傳

子產辭享。明既葬則為免喪。經書五月。誤。晉荀吳偽會齊師者，假



道於鮮虞遂入昔陽

鮮虞。白狄別種。在中山新市縣。昔陽。肥國都。樂

平沾縣東。有昔陽城。秋八月壬午滅肥以肥子縣皐歸

肥。白狄也。縣皐。其君名。鉅鹿下。曲陽縣西。南有肥累城。為下晉伐鮮虞起。周

原伯絞虐其輿臣使曹逃

原伯絞。周大夫。原也。輿。衆也。曹。羣也冬十月壬申朔原輿人逐絞而立公子跪

尋跪尋。絞弟也。絞奔郊郊。周也。甘簡公無子立其弟過

甘簡公。周卿士。古禾反。下之子過同。過將去成景之族

成公。皆過之先君。去起呂反。成景之族賂劉獻公

劉欲使殺過。亦定公子劉。丙申殺甘悼公悼公。即過。而立成公之

孫鮑鮑。平公。鮑音秋。丁酉殺獻太子之傅庾皮之

子過過。劉獻公太子之傅。殺瑕辛于市及宮嬖綽王孫

沒劉州鳩陰忌老陽子太子。周大夫。及庾過。皆甘悼公之黨。傳言

周衰。原甘二族所以逐微。季平子立而不禮於南蒯蒯。南

子。季氏費邑宰。蒯。苦怪反。費音祕。南蒯謂子仲子仲。公吾出

季氏而歸其室於公室。季氏家財。子更其位更。代也。

更音庚。我以費為公臣子仲許之南蒯語叔仲

穆子且告之故穆子。叔仲帶之子。叔仲小也。語以下欲出季氏。以不見禮故

據反。季悼子之卒也叔孫昭子以再命為



卿悼子。季武子之子。平子父也。傳言及平子叔孫之見命。乃在平子為卿之前。

伐莒克之。更受三命十年。平子伐莒。以功加三命。昭子不伐莒。亦以

例加為三命。叔仲子欲構二家欲構使相憎。謂平子曰。

三命踰父兄。非禮也。言昭子受三命。自踰其先人。平子曰。

然。故使昭子使昭子自貶黜。昭子曰。叔孫氏有家禍。

殺適立庶。故媿也。及此禍在四年。若因禍以斃之。

則聞命矣。言因亂討邑。不敢辭。若不廢君命。則固有著

矣。著。位次。昭子朝而命吏曰。媿將與季氏訟。書

辭無頗。頗。偏也。頗。普何反。季孫懼而歸罪於叔仲子。

故叔仲小。南蒯公子愁謀季氏。愁告公。而遂

從公如晉。愁子仲。南蒯懼不克。以費叛。如齊。子

仲還及衛。聞亂。逃介而先。介。副使也。及郊。聞費叛。

遂奔齊。言及郊。解經所以書出。南蒯之將叛也。其鄉人

或知之。過之而歎。鄉人過蒯而歎。且言曰。恤恤乎。湫

乎。攸乎。恤。憂患。湫。愁隘。攸。懸危之貌。秋。子小反。又在酒反。一音秋。深思

而淺謀。邇身而遠志。家臣而君圖。家臣而圖人君之事。

故言思深而謀淺。身近而志遠。思息嗣反。有人矣哉。言今有此人。微以感

之。南蒯枚筮之。不指其事。汎上吉凶。遇坤坤下坤



之比

坤下坎上。比。坤六五爻變。

曰黃裳元吉

坤六五爻辭。

以為大吉也。示子服惠伯曰。即欲有事。何如。

惠伯曰。吾嘗學此矣。忠信之事則可。不然必

敗。外疆內溫。忠也。坎險故疆。坤順故溫。疆而能溫。所以為忠。和以

率貞。信也。水和而土安正。和正。信之本也。故曰黃裳元吉。黃

中之色也。裳。下之飾也。元。善之長也。中。不忠

不得其色。言非黃。下不共。不得其飾。不為裳。事不

善。不得其極。失中。外內倡和為忠。不相違也。

率事以信為共。率猶行也。供養二德為善。二德謂正

直。剛克。柔克也。九用反養。餘亮反。供。非忠信善不當。

此卦。當如。字。或丁浪反。且夫易不可以占險。將何事也。

且可飾乎。夫易猶此。易謂黃裳元吉之卦。問其何事。欲令從下之飾。中美

能黃。上美為元。下美則裳。參成可筮。參。美盡備。吉可。

筮。猶有關也。筮雖吉。未也。有。闕。謂不參成。將適費。飲

鄉人酒。南。崩。自其家。還適。費。飲於鳩反。鄉人或歌之曰。我

有圃。生之杞乎。言南崩在費。欲為亂。如杞生於園圃。非宜也。杞。世所謂枸

也。從我者。子乎。子。男子之通稱。言從已。可去不失。今之尊。稱尺證反。去

我者。鄙乎。倍其鄰者。恥乎。鄰。猶親也。已乎。已乎。非



吾黨之士乎已乎已乎言平子欲使昭子逐

叔仲小欲以自小聞之不敢朝昭子命吏謂

小待政於朝曰吾不為怨府言不能為季氏

聚為明年叔楚子狩于州來逐小生怨禍之次于潁尾

潁水之尾使蕩侯潘子司馬督蹇尹午陵尹

喜帥師圍徐以懼吳五子楚大夫徐吳與國

刀反又楚子次于乾谿在譙國城以為之援

雨雪王皮冠秦復陶秦所遺羽衣也雨雪

翠被以翠羽豹舄以豹皮執鞭以出執鞭以

僕析父從楚大夫右尹子革夕子革鄭丹

莫音暮見王見之去冠被舍鞭敬大臣與呂伋

與之語曰昔我先王熊繹楚始與呂伋齊

公之子王孫牟衛康叔燮父晉唐叔之子禽

父周公子竝事康王康王成四國皆有分我

獨無有四國齊晉魯衛分珍寶今吾使人於

周求鼎以為分王其與我乎對曰與君王哉

昔我先王熊繹辟在荆山在新城沔鄉縣南

市篳路藍縷以處草莽跋涉山林以事天子



唯是桃弧棘矢以共禦王事

桃弧棘矢以禦不祥言楚在山

林少所出有。共音恭禦魚呂反

齊王舅也

成王母齊大公女

晉及

魯衛王母弟也楚是以無分而彼皆有今周

與四國服事君王將唯命是從豈其愛鼎王

曰昔我皇祖伯父昆吾舊許是宅

陸終氏生六子長曰

昆吾少曰季連季連楚之祖故謂昆吾今鄭為伯父昆吾嘗居許地故曰舊許是宅

人貪賴其田而不我與我若求之其與我乎

對曰與君王哉周不愛鼎鄭敢愛田王曰昔

諸侯遠我而畏晉今我大城陳蔡不羹賦皆

千乘子與有勞焉諸侯其畏我乎對曰畏君

王哉是四國者專足畏也

四國陳蔡二不羹遠于萬反羹音

郎與音預又加之以楚敢不畏君王哉工尹路請

曰君王命剥圭以為鍼秘

鍼斧也秘柄也破圭玉以飾斧柄

鍼音戚秘音祕敢請命請制度之命王入視之析父謂子

革吾子楚國之望也今與王言如響國其若

之何

譏其順王心如響應聲

子革曰摩厲以須王出吾

刃將斬矣

以已喻鋒刃欲自摩厲以斬王之淫慝

王出復語左

史倚相趨過

倚相楚史名復扶又反倚於綺反

王曰是良史



也。子善視之。是能讀三墳五典八索九丘。皆古

書名。○索所白反。對曰。臣嘗問焉。昔穆王欲肆其心。

周穆王。肆極也。周行天下。將皆必有車轍馬跡焉。祭

公謀父作祈招之詩。以止王心。謀父。周卿士。祈父。周司馬。

世掌甲兵之職。招其名。祭公方諫遊行。故指司馬官而言。此詩逸。周行如字。又下孟反。

祭側界反。招常遙反。王是以獲沒於祗宮。獲沒。不見篡。祗音支。

又音祁。臣問其詩而不知也。若問遠焉。其為能

知之。王曰。子能乎。對曰。能。其詩曰。祈招之愔

愔。式昭德音。愔愔。安和貌。式。用也。昭。明也。○愔。一心反。思我王度。

式如玉。式如金。金玉。取其堅重。形民之力。而無醉飽

之心。言國之用民。當隨其力任。如金冶之器。隨器而制形。故言形民之力。去其醉飽

過盈之心。王揖而入。饋不食。寢不寐。數日。深感。子革之言。

○數所主反。不能自克。以及於難。克。勝也。○難。乃巨反。勝升證反。

又音升。仲尼曰。古也有志。克己復禮。仁也。信善

哉。楚靈王若能如是。豈其辱於乾谿。晉伐鮮

虞。因肥之役也。肥。役在。此年。



春秋經傳集解昭公三第二十二

二專卷三三

三八



